

զպատճէնս նոցին արձանագրեալ հաստատեցաւ 'ի Դիւանս
և 'ի Դատարանս : Դուք որ Վէլիւր, Դատաւոր, Քաղաքա-
պետ, և այլք էք, 'ի Ժամանելն և 'ի գիտելն ձեր՝ արձա-
նագրեալիք 'ի Դատարանի և տալիք 'ի ձեռս ազգին Հայոց .
զի զհրովարտակս Սէլիմայ տուեալ երկուց ազգաց հիմն
ընտրելով ըստ զօրութեան իւրմին առնել և մշտնջենա-
ւորապէս գործադրել, զգուշութեամբ խնամ կալլիք, զի
և ոչ 'ի միում Ժամանակի հակառակն երեւեացի և մի հա-
մարձակեալիք Կայսերական հրովարտակիս ընդդէմ գոր-
ծելոյ . հրամայեցի՝ 'ի հասանիլ սորին հնազանդիլ և հե-
տեւիլ՝ որպէս գրեցաւ 'ի վեր անդր, գործադրութեան
խնամ կալլիք, եւ հակառակելոյ կարի զգոյշ լինիլիք .
(\ԿԿ\, 'ի \ Մուհարրէմի) :

Գ Լ Ո Ւ Խ Ի Է .

Որոշումն գործադրաց Դրան վասն խնդրոյն Հայոց գնալ նոցա յԵրուսաղէմ :
Իսնք Նուրի Էֆէնտայ և Կուսակալն Դամասկոսի : Գործ Դատաւո-
րին : Ժողով 'ի Դատարանի երկրոյ : Քննութիւն Հապէշայ՝ ընդդիմա-
թիւն Դատաւորին : Ժողով 'ի Ս . Յարութիւն :

Եւ եղև ընդ աւուրսն ընդ այնոսիկ զինի տալոյ Ար-
քային Մահմուտայ զհրովարտակս երկուց ազգաց, որո-
շեաց ըստ խնդրոյ Հայոց, իբր դատաւոր գործոյն (միւ-
վելլայ) հարամէյն միւֆէթթիլի Պաշմազէի զատէ Զէքի
Էֆէնտի . բայց երթալ նորին անկարելի գոլով, որոշեցաւ
փոխանորդաբար 'ի տեղի նորա Ստամպօլ Դատարար վա-
գայէ քեաթիպի Մէհէմմէտ Նուրի Էֆէնտի . Բաշիտ Մուս-
տաֆա Էֆէնտի Խօճաքեան . Մէհէմմէտ Էֆէնտի ճարտա-
րապետ, հրովարտակաւ Արքայի երթալ յԵրուսաղէմ գոր-
ծադրել զհրովարտակն Հայոց . արձանագրել 'ի դատարա-
նի, որոշել զբաժանորդ և զսեփհական տեղիս, քննել ըզ-
նորոգեալ և զչինեալ տեղիս 'ի Յունաց, ստուգել զհետե-
ւակ զերիս ազգս, թէ որոյ ազգի են հետեւողք, զի Յոյնք
սինդէին թէ մեր են :